




Di Sait vo Lusérn

APPUNTAMENTO
DELLA MINORANZA CIMBRA
DI LUSERNA

ATNEN 2023. Di djungen vo Lusérn bartn spèrrn in summar

Il 26 agosto dalle ore 10 si terrà la manifestazione ATNEN 2023 – Fino all'ultimo respiro, presso il Campo Sportivo del Kulturverein Lusérn. Un Photo Contest coinvolgerà l'intera comunità in una sfida alla miglior foto di paesaggi e luoghi di Lusérn. La musica live, il dj Set e del buon "street food" faranno da cornice per la festa campestre di Luserna.

Atnen. A bort boda in di zaitn von Covid hatt gemacht squàse insorírn di laüt un est, ke bar soin bidar frai vo allz ditza, mabar bidar atnen in guat air vo Lusérn un von ünsarn beldarn. Atnen iz o dar



titl vodar manifestazioóng boda khint augelekk, sidar 2 djar, von Djungenkomitât vo Lusérn, boda arbatet pinn "Piano Giovani di Zona" von Toalkamòu

Folgràit – Lavròu - Lusérn. Atz 26 von snitt nidar in Spòrtplatz von Kulturverein Lusérn, di djungen vo Lusérn bartnaz paitn alle zo vaira alle pittnândar. 'Z

barta khemmen augelekk an Photo Contest o boda bart zornírn da peste foto von torneo. Di djuria iz gemacht von Stefano von Galèn, von Stefano Fabris un von Walter von Zett. Alle di laüt mang nemmen toal fin atz 20 von snitt, anìaglaz mentsch mage schikhan lai a foto durch email zuar atnen2023@gmail.com pitt soin nám un a deskritziong von platz vo Lusérn boda iz khent argenump. 'Z bartnda khemmen auzgètt schümmane prais in earstn drai von torneo. Dena musik live pittn Atomyka un Dj Set pittn lavròunar Mimmo Santoro, pröatla, patètta un getrinkha. Bar paitnaz alle zo vaira pinn djungen vo Lusérn!

Dar Nachtvogl

Le pietre dell'archeoastronomia a Luserna

Le pietre dell'altipiano cimbro, in particolare quelle delle loc. Bisele e Costesin, sono state oggetto di indagine scientifica da parte della dott.ssa Cecilia Contarin che, sabato 26/8, sarà a Luserna per spiegarci il significato di strutture megalitiche, allineamenti, cerchi di pietre e, in generale, dell'uso dei fenomeni celesti.

In an stroach di laüt hám gehatt khumman kalandàrdjo, khummane App boden hám khött bia 'z berat gest 'z bëttar un biavl urn liacht sa hettatn gehatt un asó, zo vorstiana balda soin gebëkslt di stadjónen, bal 'z iz gest zait abezovazza in pèrge un zo ledrenrase in tal auzzotraiba sèmm in bintar odar zo vorstiana bela 'z iz gest da djüst zait zo giana a katza odar da sèll auzolesa bazta hatt geopfart di earde, hámso gemocht äschaung in hüml, di sunn un di stèrn. Bar tüanz häützotage o: atz Lusérn barnbar ke di earstn bochan von summar di sunn geat oine nidar züntrest atti vüaz von Hörndl zuar in pèrng von Brenta; spetar, von 21 von prachant vort, steatze vest a drai tang un geat oine hërtä


in gelàich platz un, an lestn, heftze à zo giana oine hërtä pellar un hërtä khemmant mearar zuar Tonétsch. Vor üs iz nèt asó bichte azpe 'z iz gest vor di laüt boda hám gelebet vor 6000 djar ma vor se, vorstian asó eppaz, hattz geböllt muanen

vil vert mang überlem odar nèt. Vor ditza hámso gestekht saüln in di earde un gelekk di khnottn asó zo maga darkhennen bida di sunn iz gest nà zo giana oine pellar odar spetar odar bida iz gest eppaz gebëkslt in hüml un in di stèrn.

Zo vorstiana pezzar allz ditza, un bia nà 'z magat soin bichte vor Lusérn o, di studjösen Cecilia Contarin, bart soin da an sàntza 26 von snitt, di achte un a halbez abas, in da untarsala von Kulturinstitut Lusérn.
E.v.K.



COMUNE DI LUSERNA
KAMOU VO LUSERNA



CENTRO DOCUMENTAZIONE LUSERNA
DOKUMENTATIONSZENTRUM LUSERNA ONLUS



Kulturinstitut Luserna
Istituto Cimbro Luserna

Sabato 26 agosto 2023
ore 20.30

Menhir a Luserna?

I primi risultati di uno studio archeoastronomico sull'interessante complesso litico di Bisele di Sopra

Relatrice Cecilia Contarin,
dell'Associazione Astronomica Euganea EUGANEÀ
e della S.I.A. Società Italiana di Archeoastronomia

La conferenza avrà luogo presso l'Istituto Cimbro di Luserna, Via G. Mazzini, 5

Istituto Cimbro
Kulturinstitut Lusérn

Tel. 0464-78.96.45
info@kil.lusern.it
www.istitutocimbro.it



A trèff zo lirna eppaz mearar attn Schmeller

Ricco ed interessante il programma degli incontri culturali dell'Istituto Cimbro di Roana: il 24 agosto "J. A. Schmeller – Relazione sui Cimbri" incontro dedicato al celebre linguista ottocentesco a cura di Francesco Manzoni.



10 agosto
Tzimberlant - terre cimbre

Paola Martello Martalar presenta il suo nuovo libro sulle leggende cimbre

17 agosto
Il bosco e i cambiamenti climatici

Approfondimento con lo scrittore e divulgatore Daniele Zovi

24 agosto
J. A. Schmeller – Relazione sui Cimbri

Incontro dedicato al celebre linguista ottocentesco a cura di Francesco Manzoni

www.cimbri7comuni.it

Atti Hochaebele von Simm Kamòündar, azpe alle djar, disan summar o soinse gehaltet meararne trèff boda gedénkhan un trang vür di zimbarn burtzan vo disar earde. Dar Kulturinstitut vo Robaan hatt augelekk meararne kulturàl trèff: dar earst vo dise iz gest vürzostèlla daz naûge puach vodar Paola Martello Martalar, a schraibaren bobar khennen atz Lusérn o umbrómm si hatt gearbatet pittn Kulturinstitut Lusérn un pittn Dokumentationszentrum zo macha 'z puach "Sette volte bosco, sette volte prato", a puach boda redet von zimbarn legende. Disan stroach hattze geredet vo soinat lesten arbat, dar romanzo "Tzimberlant – Terre Cimbre, Leggenda delle Sette Fonti". An åndadar bichtegar trèff iz gest zo vorstiana, pittn Daniele Zovi, bia 'z izta nà zo bëksla 'z bëttar vodar bëlt un in leste trèff, hërtä augilekk von Kulturinstitut vo Robaan, bartma ren von Johannes Andreas Schmeller un vo soinat arbat. Disar taütschar lingust iz gest ummandar von earstn zo vorstiana ke da ünsar zimbar zung iz gest gepunet pittar bairische zung von djardar 1100/1200. 'Z iz gest pròprio dar Schmeller zo venna in dokumént boda drausoin di nem von ünsarn altn: di laüt boda, vor schiar tausankh djar, hám gimocht lazzan di Baviara zo khemma atti pèrng von Alpm. Zo lirna eppaz mearar von imen un vo daz sèll bodar hatt geschribet bartze haltn a trèff in Kulturinstitut vo Robaan atz 24 von snitt, di nouë abas.

R.P.